



اپراہیمیت تؤیت

Ibraahiimiit tooyat

- 01 إبراهيم تَكَتْ وَيَتْ كِتُورَة إِيدِنْتِيتْ إِدِارْ.

02 إبراهيم بتبيوه سمرانو، جوكشانو، ميدانو، ميديانو، ايشبلاكته، شواوة هوبي افرے.

03 جوكشان شبیاب دیدانو، دیدان اری ياسیریاوه، لیثوشیاوه، لمیتیرو هوبوسنة اکتے.

04 مدیان اری ایفاوه، ایفروه، هانوکوه، ابیدابوه، ایلدابوه افرے. آن براه کساه کنورای ارنه.

05 إبراهيم كستوه إبيرييت تونته إسهاقي دهاي يائش إدا.

06 لاکین بروه میسے ڈھنیے اکاي هاجروده کنورايوه اپيریب پيار هن ڦوده میاو اپیو. مليه إسهاق هوبي اپنیب امهیني او مهنه او کیک بريه قیقسیه.

07 إبراهيم شبیوه أسرمة نمونوه اي هوله إدا.

08 إبراهيم ايقرم اکاي ایته. شاوته انڈوایس قیب اتوباس.

09 پارس إسهاقوه اسماليلوه ایباة ماکفیلایي وأمریب مامر دول مهین إسننه. ایفرؤنیت ٿدر آتیب ایسننه. ایفرؤن سوھر یوانیت تقبیلاتی اورو.

10 إبراهيم یہینی إدلب ایھنیب و هاشیب تُنگُوس ساره هوبي اتوباسیب او مهین بروه هن هوبي اتوباس.

11 إبراهيمیت تویتے هرای، اکواسنه إسهاق و اوروس إدهر. بروه بین او دور بیر لاهای روی دار اکویر.

اسما ایلیب بار

- ¹² آن بَرَاهُ أَرْيٌ إِسْمَاعِيلِيْبُ اُوتَاسُوُ- إِسْمَايِيلِ إِبْرَاهِيمُو
هَاجِرَے اُرُوُ- هَاجِر سار ایت ڪشیاڻو-

- ⁰¹ Ibraahiim takat weet Kituura iidneet id'ir.
⁰² Ibraahiim batiyooh Simraanwa,
Jookshaanwa, Meedaanwa, Miidyaanwa,
Eeshbaakwa, Shiwaawwa hooy ifri.
⁰³ Jookshaan Sheebaab Deedaanwa ifri.
Deedaan aree Y'assiiriyaawwa,
Leetuushiyaawwa, Leemityawwa hooboosna
ikati.
⁰⁴ Miidyaan aree Eefaabwa, Eefarwa,
Haanookwa, Abiidaabwa, Eeldaabwa ifri. Aan
baraah kassaah Kituuraay ara.

⁰⁵ Ibraahiim kastooth iibriyeet toona Isehaagii
dehaay y'ish id'i.
⁰⁶ Laakiin baruuhi masi dhhaniibi akaay
Haajirwa Kituuraaywa iibriyeeb y'ar han
gwida miyaaw iiyiw. Malya Isehaag hooy
iifiyeeb umhiinii oomha ookiik bareeh
giigsiya.

⁰⁷ Ibraahiim sheebwa asarama tamuunwa ay
hawla id'i.
⁰⁸ Ibraahiim eegrin akaay iya. Shaawti
indhiwaayees geeb itoobaas.
⁰⁹ Y'araas Isehaagwa Ismaa'iilwa ibaaba
Maakfeelaay w'amariib Maamar dawil mhiin
ibisna. Eefrooniit tudir'atiib ibisna. Eefroon
Suuhar Yhittaayeet tigabiilaati ooru.
¹⁰ Ibraahiim yhiitee idlib iyhaneeb whaashiib
tutakatuus Saara hooy titoobaaseeb oomhiin
baruuhi han hooy itoobaas.
¹¹ Ibraahiimiit tooyati har'ii, Ukwaasana
Isehaag w'ooroos idehar. Baruuhi been oodoor
Beer Laahaay Rooy dar ikwiir.

Ismaa'iiliib y'ar

- ¹² Aan baraaħ aree Ismaa'iiliib ootaasu.
Ismaa'iil Ibraahimwa Haajiri ooru. Haajir
Saaraayt kishiyaatu.

13 إِسْمَاعِيلْ ثَمَنَةٌ مُّلُوْ أَرْ إِبِيرْ- بَرَاهُ أَرْئِ: نَبَايُوت
سُورِكَنْبُو، كِيدَار، أَدْبِيل، مَبْسَام،

14 مِشَمَا، دُومَا، مَاسَّا،

15 هَدَاد، تِيمَا، جَيْتُور، نَافِيش، كِيدِيَمَاوَة آن بَرَاهُ گَسَّاهِ
إِسْمَاعِيلْ أَرَة.

16 إِسْمَاعِيلْ يَأْرِ إِثْمَنَةٌ مُّلُوْ قَالَكَةٌ قَبِيلَاتِ سُورِكَنَةٌ أَكَايِ
بِيفِين- بَرَبِيَّوْهُ هَرِإِي يَهَشُ دَهَايِ سُوقَمِيَانِ.

17 إِسْمَاعِيلْ شَيْبَوْهُ مَهِيِ تَمُونَةٌ أَسَرَّمَةٌ هَوَلَابِ إِدِيَتِ إِيَةٌ.
إِنْدُوَيِيَسْ قَيْبِ إِتُوبَاسِ-

18 إِسْمَاعِيلْ يَأْرِ هَفِيلَيِ شُورُ اوكِيَك، اون و هاش اينِتاكِ
إِكُورِينَة. شُورُ و هاش مَسَرِيتِ توسلِ دَوْلِ مَهِين؛ أَسِيرِيَيِ
دَسِيِ إِكُورِينَة. إِسْنَايِسْ كَسِيِهِ أَشْوَشَمِيِ إِكُورِيرِ.

13 Ismaa'iil tamna malu ar iibri. Baraah aree:
Nabaayoot suurkinaabu, Keedaar, Adbiil,
Mabsaam,

14 Mishmaa, Duumaa, Maassaa,

15 Hadaad, Teemaa, Jeetuur, Naafiish,
Keedeemaawwa aan baraah kassaah Ismaa'iili
ara.

16 Ismaa'iiliib y'ar itamna malu gaalka
gabiilaati suurkina akaay iifiin. Bareeyooh
har'i yhash dehaay soomamiyaan.

17 Ismaa'iil sheebwa mhay tamuunwa asarama
hawlaab id'iit iya. Indhiwaayees geeb
itoobaas.

18 Ismaa'iiliib y'ar Hafiilaay Shuur ookiik, oon
whaash eebtik ikwriina. Shuur whaash
Masireet toosil dawil mhiin; Assiiriyaayi dasii
ikwiirna. Isanaayees kasseeh ashooshamee
ikwiir.

ياقوبوا إيساؤة

19 آن بَرَاهُ أَرْئِ إِسْهَاقِيَبِ اونَاسُو-.

20 بَرُوهُ رِبَكَابِ إِدِإِرْ هَوَبُ، فَقُوقِ تَمُونَ هَوَلَةِ إِبِيرْ- رِبَكَةِ
بَيْتُولِيَتِ اوْثُو، لَابَانِيَتِ كُوَاٰتِ- بَرَاهُ يَأْرِ اَمِيَةِ سُورِيَاِيِ تَيْفِيتِ
قَبِيلَاتِ-

21 إِسْهَاقِ تَكْنُوسِ رِبَكَةِ اَرْ مَسِيِ كَتَبَرِيِ أَكَايِ، بَرُوهُ
أَكُوسَنَايِ دَهَايِ سِيلَنَلِيَةِ «رِبَكَابِ فَرَايِ هِيَةِ» إِدِ- أَكُوسَنَةِ
هَنِ بَرَبِيَّوْهُ تَوْسِلَيِ إِمَاسِيُو-.

22 رِبَكَةِ تَكْنُوِ، تَيْتَابِ أَرْئِ اُوكِيَبِ هَايِ هَسِيَّةِ- آجَنَةِ
أَيَامِيَبِ تَكَكِ كَوْتِيَانِ أَكَايِ تَيْتَابِ إِيْكِتِيَنِيَتِ تَوْنَهِ بَئُوهِ تِكَنِ- مَلِيَةِ
بَئُوهِ «نَانِ هَوَيِ ٿُونِ دَهَهِ تَكَنِ»- تَيْتَ أَكُوسَنَةِ رَائِمَةِ-

23 أَكُوسَنَةِ بَئِيَّوْهِ دَهَايِ،
«إِيْتِيَابِ إِمَلوُ،
فَالَّكَةِ قَبِيلَاتِ إِيْكِتِيَنِيَتِ-
تَقْبِيلَةِ ٿُونَفَاتِ أَكِرَكَاتِ إِيْكِتِيَنِيَتِ تَنَدِيِ،
إِسْورِكَنَايِتِ قَبِيلَةِ، اُوكِسَنَايِتِ قَبِيلَةِ شَقَامِيَتِ إِيْدَنَةِ» إِدِ-

24 رِبَكَةِ تَفَرِيِيِ اُودَرُ، تَيْتَابِ تَفَرِيِ-

25 وَأَورِ أَسُورِكَنَةِ اَدَرَوَبُ، اَدَرِيِ هَمَوِيَبِ أَكَايِ إِفِرِيِ-
هَنِ اَسَيِيِ، إِيسَاوِ إِيْسِمَنَةِ-

19 Aan baraah aree Isehaagiib ootaasu.

20 Baruu Ribkaab id'irahoob, fadhig tamuun
hawla iibri. Ribka Beetehuuliit ootu,
Laabaaniit kwaati. Baraah Y'araamya
Suuriayaayi tiifit gabilaati.

21 Isehaag tutakatuus Ribka ar masi kitbari
akaay, baruu Ukwaasanaay dehaay siileeliya
«Ribkaab firaay hiya.» idi. Ukwaasana han
bariitooh toosleel imaasiw.

22 Ribka tinkwi, tiitaab aree oofiib haay
hissiita. Ajna uyaamiib taktak kootiyaan
akaay tiitaab iiktiineet toona batuuh tikan.
Malya batuuh «Naan hooy tuun deha tikati.»
tidiit Ukwaasana raatamta.

23 Ukwaasana batiiyooh dehaay,
«Itiitaayaak imalu,
Gaalka gabilaat iiktiin iyadna.
Tigabiila tuungaat akrakaat iikti tindi,
Isuurkinaayt gabiila, oodisnaayt gabiila
shagaami iyadna.» idi.

24 Ribka tifriyi oodoor, tiitaab tifri.

25 W'oor usuurkina adaroob; adari hamooyeeb
akaay ifri. Oon usabbi, Iisaaw ii simna.

26 اونای هر اي افريت او سن و اي سوس اي ساويب اتيقش
اينکه افرے اکاي ياقوب اسمنته. ربكه اين يار قريهوب،
إسماهك اسقفور نمون هولاب ابرے.

²⁶ Oonaay har'ii ifreeb uusan w'ayiisoos Iisaawiib itiigas abka ifri akaay Yaaguub isimna. Ribka een y'ar tifriyahoob, Isehaag asagwir tamuun hawlaab iibri.

27 يار أفالاً يهمينة، إيساو أرى وينت فَرْ شوْكَنَةِ إِيْكَنَةِ
منقاي يالِك. ياقوب لاكيں دا بیب تُمُبایاتِ إِسَاء، ریوکناب
إِيْكَنَةِ -

²⁷ Y'ar aflaay yhameena, Iisaaw aree winneet
fagar shookana iiktika mingaay y'abik.
Yaaguub laakiin daayiib thathamiyaayt is'a,
reewkinaab iikti.

28 ایساو تڈھئیہ تشوکیت داریت ایباۓ دھائی های با،
ایباۓ ھن ونیت بروہ اریتے۔ یا قوب لاکین نوندے ربکہ ونیت
اُرتیتے۔

²⁸ Iisaaw tidhhaniya tishookiyeet daariit ibaabaay dehaay haay y'i, ibaaba han winneet barooh areeyya. Yaaguub laakiin tuundi Ribka winneet areeti.

29 بِنْتٌ قَاتِلٌ يَأْقُوبُ مَارِيَتْ تَكْوِيَّ، أُوسَنْ إِبِسَاوُ هَرْقُوا
إِمْفَاقِيَّ إِيْطُوا إِيتِيَّة.

²⁹ Yint gaat Yaaguub m'ariit tikwiyee, uusan Iisaaw hargwaa imingaayii eedhiwa eeya.

³⁰ بُرُوه ياقُوبِي دهای «بیت شمارے تادرُوتی وَلَة نات هُوي هیئنیة، وَنیت هَرْقُوابُو». إدے-تون توناتی دهای بُرُوه هن ایندوم اِنوسِم.

³⁰ Baruuuh Yaaguubii dehaay «Beet tum'ari t'adarootii willa naat hooy hiyaheeba, winneet hargwaabu!» idi. Toon toonaatii dehaay baruuuh han Eedoom ituusim.

³¹ ياقوب بريبوه دهای «أسورکنای و هقونک ائیب دلبة.» ادے-

³¹ Yaaguub bariyooh dehaay «Usuurkinaay whaggook aniib diliba!» idi.

³² ایساو اری «شیبہ۔ اُنے ہر قویت تور تیھیں، اُسونکیاں ہق اُنیب نان اُنفاہیب اندے؟» ادے۔

³² Iisaaw aree «Shibiba! Ani hargwiit tidir teefiheeb, usuurkinaay hag aneeb naan anf'aheeb indi?» idi

³³ لakin yaq'ob «Hnakab dehه هلقویة»- Ede- Berوه هن
دهای هلقویة، اسُورکنای و هق ياقوی دهای ایدلیب.

³³ Laakiin Yaaguub «Hankaab deha halafooya.» idi. Baruuhan dehaay halafooya, usuurkinaay whag Yaaguubiji dehaay iidlib.

³⁴ تون توناتے هر ای، یا قوب برؤه هڈیبوہ لمت ادھیتوہ
یو- بزروه افلانی تمیۃ فواہی، ملیۃ یکیاہت قیقیۃ۔

³⁴ Toon toonaati har'ii, Yaaguub barooh hadhiibwa lamt adasiitwa yhi. Baruuh aflaay tamiya gw'iya, malya yakiyaayt giigiya. Shaawti Iisaaw toofrayti whaggoos abaabiya.